

Allannguutissatut siunnersuut

uunga

Uunga siunnersuut:

Inatsisartut inatsisaat nr. xx xx. xxx 2021-imeersoq Nuummi Qasigiannuani Aasiannilu erngup nukinganik nukissiorfissat taakkununngalu atortussat aningaasalersorneqarnissaannut ingerlanneqarnissaannullu sinaakkusersuutit

Aappassaanernejarnissaanut Naalakkersuisunit saqqummiunneqartoq.

Inatsisissatut siunnersuutip taaguutaanut

1. Siunnersuutip taaguutaa imatut oqaasertalerneqarpoq:

“Uunga siunnersuut:

Nuup kiisalu Qasigiannugit Aasiaallu pilersorneqarnerannut erngup nukinganik nukissiorfinnik taakkununngalu atatillugu atortunik sanaartornermut, aningaasalersuinermut ingerlatsinermullu killiliussatut atugassarititaasut pillugit Inatsisartut inatsisaat nr. xx, uu. qqqq 2021-meersoq”.

§ 1-imut

2. § 1 imatut oqaasertalerneqarpoq:

” § 1. Nuup kiisalu Qasigiannugit Aasiaallu pilersorneqarnerannut erngup nukinganik nukissiorfinnik taakkununngalu atatillugu atortunik sanaartornermut, aningaasalersuinermut ingerlatsinermullu killiliussatut atugassarititaasut Inatsisartut inatsisaatigut aalajangersarneqarput.”

§ 1-ip kingorna qulequtaanut

3. § 1 kingorna qulequtaa imatut oqaasertalerneqarpoq:

” Erngup nukinganik nukissiorfimmik taakkununngalu atatillugu atortunik sanaartorneq allilerinerlu”.

4. § 5 imatut oqaasertalerneqarpoq:

” § 5. Tamakkiisumik imaluunniit ilaannakuusumik suliniummi ilaasunut sanaartugassanut inatsimmi ilaasunut Naalackersuisut aningaasaliissutissanik taarsigassarsisinnaapput, akiitsut ataatsimut annerpaaffissaat 3,1 mia. DKK-it iluanni.

Imm. 2. Naalackersuisut taarsigassarsiatut aningaasaliissutissat imm. 1 naapertorlugu Nukissiorfiit taarsigassarsiteqqissinnaavaat, inatsit naapertorlugu sanaartugassat aningaasalersorneqarnissaannut atatillugu.

Imm. 3. Imm. 2-mi eqqaaneqartut aningaasanik taarsigassarsinerit ingerlanneqarsinnaanngillat atugassarititaasut Naalackersuisut aningaasanik taarsigassarsinermikkut pissarsiarisimasaannit pitsaanerusunik tunngaveqartillugit.”

5. § 10 imatut oqaasertalerneqarpoq:

” § 10. Allagaatit, taarsigassarsinermut atatillugu allagaatit, naqitanngorlugit suliarineqarneri aamma uppersaatait il.il., pilersitanut aamma sanaartukkanut Inatsisartut inatsisaannut matumunnga atatillugu suliaasut, pisortanut naqissusiinikkut akitsuusigassaataannngillat.

Imm. 2. Naqissusiinikkut akitsuummik akiliisussaataannginermut ilaapputaaq allagaatit aamma taarsigassarsinermut atatillugu allagaatit il.il. pigisanik nalilinnik tunniussinerni imm. 1 naapertorlugu suliaasut.”

Inatsisissatut siunnersuummut nassuiaatit

Nassuiaatit nalinginnaasut

Allannguutissatut siunnersuut inatsisissatut siunnersuutip kalaallisoortaanii oqaatsitigut ataasiakkaanik kukkunerit amigaataasullu naqqiissuteqarfiginissaat siunertaralugu saqqummiunneqarpoq.

Inatsisissatut siunnersuummi aalajangersakkanut ataasiakkaanut nassuiaatit

Nr. 1-imut

Allannguutissatut siunnersuummut nassuiaatit nalinginnaasut innersuussutigineqarput.

Nr. 2-mut

Allannguutissatut siunnersuummut nassuiaatit nalinginnaasut innersuussutigineqarput.

Nr. 3-mut

Allannguutissatut siunnersuummut nassuiaatit nalinginnaasut innersuussutigineqarput.

Nr. 4-mut

Allannguutissatut siunnersuummut nassuiaatit nalinginnaasut innersuussutigineqarput.

Nr. 5-imut

Allannguutissatut siunnersuummut nassuiaatit nalinginnaasut innersuussutigineqarput.